


|            |                                                  |             |                     |
|------------|--------------------------------------------------|-------------|---------------------|
| Headline   | Wakil Orang Asli dakwa hanya diberi notis 4 hari |             |                     |
| MediaTitle | Berita Harian                                    |             |                     |
| Date       | 09 Sep 2021                                      | Color       | Full Color          |
| Section    | Nasional                                         | Circulation | 82,252              |
| Page No    | 20                                               | Readership  | 246,756             |
| Language   | Malay                                            | ArticleSize | 361 cm <sup>2</sup> |
| Journalist | N/A                                              | AdValue     | RM 11,954           |
| Frequency  | Daily                                            | PR Value    | RM 35,862           |



## Penyahwartaan Hutan Simpan Kuala Langat Utara



Shaq (kanan) bersama ahli gabungan Pertahankan Hutan Simpan Kuala Langat Utara menunjukkan memorandum yang akan diserahkan kepada Menteri Besar Selangor di Shah Alam, semalam. (Foto BERNAMA)

# Wakil Orang Asli dakwa hanya diberi notis 4 hari

**Shah Alam:** Wakil Orang Asli mendakwa sesi pendengaran awam yang diadakan pada November tahun lalu bagi penyahwartaan Hutan Simpan Kuala Langat Utara (HSKLU) dilakukan dalam keadaan tergesa-gesa dan tidak ramai dapat menyertainya.

Aktivis Orang Asli, Shaq Kokyok berkata, penduduk di lima kampung Orang Asli hanya diberikan notis maklumat empat hari sebelum sesi pendengaran awam itu dibuat dengan lokasi program di Pulau Carey yang agak jauh dari kawasan kampung dan menyukarkan penduduk ke sana, sekali gus tidak ramai dapat hadir sesi berkenaan.

Shaq berkata, pihaknya juga sudah menghantar memorandum bantahan penyahwartaan pada Februari tahun lalu, namun

tiada maklum balas diterima, manakala penyahwartaan juga diluluskan ketika pandemik iaitu pada Mei lalu yang didakwa secara tiba-tiba.

"Hutan ini banyak kepentingan kepada rakyat Selangor secara keseluruhannya kerana hutan tempat penyerapan karbon dioksida.

"Kalau tiada hutan, pemanasan global akan terus berlaku. Jadi kami berharap Menteri Besar akan membatalkan kelulusan nyah warta HSKLU," katanya semalam.

Terdahulu, Shaq bersama wakil pertubuhan bukan kerajaan (NGO) Pertahankan Hutan Simpan Kuala Langat Utara (PHSKLU) menyerahkan memorandum dan 'Poskad Dari Esok' kepada Menteri Besar, Datuk Seri Amirudin Shari.

Antara NGO terbabit, *Center*

*for Orang Asli (COAC), Five Arts Centre, Global Environment Centre (GEC) dan Greenpeace Malaysia.*

Isu penyahwartaan HSKLU terus mendapat perhatian berikutan didakwa dilakukan secara tergesa-gesa menerusi maklumat Pengerusi Jawatankuasa Tetap Pelancongan, Alam Sekitar, Teknologi Hijau dan Hal Ehwal Orang Asli Selangor, Hee Loy Sian pada sesi penggulungan sidang Dewan Undangan Negeri (DUN) Selangor bulan lalu.

Pada sidang itu, Loy Sian memaklumkan kira-kira 536.70 hektar dari keseluruhan kawasan HSKLU diluluskan untuk dinyah warta mengikut Seksyen 12, Enakmen (Pemakaian) Akta Perhutanan Negeri Selangor 1985 dan 581.48 hektar kawasan turut diluluskan sebagai gantian hutan simpan kekal di negeri ini.